



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 09/3-45-1-3655-3/25

Datum: 15.04.2025. godine

Na osnovu člana 70. Zakona o javnim nabavkama Bosne i Hercegovine ("Službeni glasnik Bosne i Hercegovine" broj: 39/14, 59/22 i 50/24), Pravilnika o javnim nabavkama Grada Visoko broj: 01/1-02-179/24 od 31.01.2024. godine, otvorenog postupka javne nabavke za pružanje usluga izrade Izmjena i dopuna Regulacionog plana „Priječko – KTK“ – Visoko pokrenutog Odlukom broj: 09/3-45-1-3655/25 od 18.03.2025. godine i objavljenog na Portalu javnih nabavki Obavještenjem o nabavci broj: 870-1-2-26-3-28/25 dana 19.03.2025. godine, na prijedlog komisije, gradonačelnik donosi:

O D L U K U
o izboru najpovoljnijeg ponuđača

I

Komisija je konstatovala da su ponude ponuđača RADIS d.o.o. Istočno Novo Sarajevo i BOSNA INŽINJERING d.o.o. Sarajevo neprihvatljive i nepravilne, zbog čega su odbačene.

Komisija je konstatovala da su ponude ponuđača IPSA INSTITUT d.o.o. Sarajevo, URBIS CENTAR d.o.o. Banja Luka i GRAĐEVINSKI INSTITUT d.o.o. Banja Luka dostavljene u skladu sa uslovima iz tenderske dokumentacije.

U skladu sa navedenim i kriterijem za dodjelu ugovora, najpovoljnijim ponuđačem proglašava se:

IPSA INSTITUT d.o.o. Sarajevo
(sa cijenom ponude u iznosu od 6.490,00 KM bez PDV-a)

II

Izabrani ponuđač obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji.

Izabrani ponuđač obavezan je dostaviti dokaz iz tačke 12.3. (uslov za zaključenje ugovora) Tenderske dokumentacije u roku od 10 (deset) dana od dana prijema ove Odluke, a u skladu sa uslovima definisanim u Tenderskoj dokumentaciji.

III

Po sticanju uslova za zaključenje ugovora, Ugovorni organ će pozvati izabranog ponuđača radi zaključenja ugovora u skladu sa zahtjevima – uslovima Ugovornog organa navedenim u otvorenom postupku.

IV

Odluka stupa na snagu danom donošenja.

Obrazloženje

Grad Visoko je pokrenuo otvoreni postupak javne nabavke za pružanje usluga izrade Izmjena i dopuna Regulacionog plana „Priječko – KTK“ – Visoko Odlukom o pokretanju postupka broj: 09/3-45-1-3655/25 od 18.03.2025. godine. Postupak je objavljen na portalu javnih nabavki

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



Obavještenjem o nabavci broj: 870-1-2-26-3-28/25 dana 19.03.2025. godine i u Službenom glasniku BiH broj: 17 od 21.03.2025. godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14, 59/22 i 50/24) i Pravilnikom o uspostavljanju komisije za javne nabavke („Službeni glasnik BiH”, broj: 103/14 i 49/23) Komisija je imenovana Rješenjem o imenovanju komisije broj: 09/3-45-1-3655-1/25 od 18.03.2025. godine, u sastavu:

- | | |
|---------------------------------|--|
| 1. Adna Smajić, predsjedavajuća | 1. Zilha Sirćo, zamjenik predsjedavajuće |
| 2. Ajla Ušto, član | 2. Emina Burić, zamjenik člana |
| 3. Nermina Riđić, član | 3. Aida Omanović, zamjenik člana |
| 4. Abas Avdagić, sekretar | 4. Andrea Mitrović Karačić, zamjenik sekretara |

U roku za dostavljanje ponuda 09.04.2025. godine do 12:00 sati dostavljene su ponude ponuđača:

1. RADIS d.o.o. Istočno Novo Sarajevo
2. IPSA INSTITUT d.o.o. Sarajevo
3. GRAĐEVINSKI INSTITUT d.o.o. Banja Luka
4. URBIS CENTAR d.o.o. Banja Luka
5. BOSNA INŽINJERING d.o.o. Sarajevo

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude preuzeli TD.

Dana 09.04.2025. godine u 12:15 sati Komisija je pristupila otvaranju blagovremeno pristiglih ponuda. Otvaranju ponuda nisu prisustvovali predstavnici ponuđača.

Zbog korištenja bolovanja člana komisije Ajle Ušto, otvaranju ponuda je pristupio zamjenik člana Emina Burić.

Predsjedavajuća Komisije je pročitala cijene ponuda i to:

Red. br	Ponuđač	Ukupna cijena KM bez PDV-a	Popust
1.	RADIS d.o.o. Istočno Novo Sarajevo	7.500,00	/
2.	IPSA INSTITUT d.o.o. Sarajevo	6.490,00	/
3.	GRAĐEVINSKI INSTITUT d.o.o. Banja Luka	6.800,00	/
4.	URBIS CENTAR d.o.o. Banja Luka	7.000,00	/
5.	BOSNA INŽINJERING d.o.o. Sarajevo	10.710,00	3.213,00

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik BiH”, broj: 39/14, 59/22 i 50/24).

Komisija je prilikom ocjene ponuda konstatovala sljedeće:

Ponuda ponuđača **RADIS d.o.o. Istočno Novo Sarajevo** je neprihvatljiva i nepravilna. Ponuđač je na str. 35. ponude dostavio Potvrdu Poreske Uprave o osiguranju za lice Dragan Mihić izdatu 04.05.2023. godine, koja nije u skladu sa tačkom 12.2. b) tenderske dokumentacije kojom je traženo sljedeće: „Uvjerjenje/potvrda o osiguranju izdata od strane Poreske uprave/Porezne uprave na ime diplomiranog inženjera ili uvjerenje/potvrda o osiguranju izdata od strane MIO-PIO na ime diplomiranog inženjera (original ili ovjerena kopija ne stariji od 3 mjeseca računajući od dana predaje ponude). Napomena: Ukoliko ponuđač dostavlja originalni dokument datum izdavanja istog ne smije biti stariji od 3 mjeseca računajući od dana predaje ponude, a ako ponuđač dostavlja ovjerenu kopiju i datum izdavanja dokumenta i datum ovjere istog ne smiju biti stariji od 3 mjeseca od dana predaje ponude“.

U skladu sa navedenim, odbacuje se ponuda ponuđača RADIS d.o.o. Istočno Novo Sarajevo.

Ponuda ponuđača **IPSA INSTITUT d.o.o. Sarajevo** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama, niti je dostavio dokaz koji je tražen tačkom 12.3. (uslov za zaključenje ugovora).

Ponuda ponuđača **GRAĐEVINSKI INSTITUT d.o.o. Banja Luka** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama, a dostavio je dokaz koji je tražen tačkom 12.3. (uslov za zaključenje ugovora) koji je u skladu sa TD.

Ponuda ponuđača **URBIS CENTAR d.o.o. Banja Luka** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama, niti je dostavio dokaz koji je tražen tačkom 12.3. (uslov za zaključenje ugovora).

Ponuda ponuđača **BOSNA INŽINJERING d.o.o. Sarajevo** je neprihvatljiva i nepravilna. Ponuđač je na str. 27. i str. 29. ponude dostavio potvrde o uredno izvršenim ugovorima koje nisu u skladu sa tenderskom dokumentacijom jer ugovori za koje se potvrde dostavljaju nisu u vezi sa predmetnom nabavkom (izrada detaljnih planskih dokumenata), već se odnose na izradu idejnog i glavnog projekta. Također, ugovori za koje se dostavljaju potvrde izvršeni su u 2017. i 2018. godini, dok je tenderskom dokumentacijom traženo sljedeće: „Ponuđač je dužan da u skladu sa članom 50. tačka a) ZJN obezbijedi dokaze da je u posljednje 3 godine ili od datuma registracije (ako je ponuđač registrovan, odnosno počeo sa radom prije manje od 3 godine) uredno izvršio ugovor/ugovore, a koji su u vezi sa predmetnom nabavkom“.

Ponuđač nije u ponudi dostavio uvjerenje/potvrdu o osiguranju izdatu od strane Poreske uprave/Porezne uprave na ime diplomiranog inženjera ili uvjerenje/potvrdu o osiguranju izdatu od strane MIO-PIO na ime diplomiranog inženjera, što je traženo tačkom 12.2. b) tenderske dokumentacije.

Ponuđač nije u ponudi dostavio Projektni zadatak, što je traženo tačkom 13. tenderske dokumentacije (sadržaj i način pripreme ponude) “Ponuda mora pored navedenih dokaza sadržavati i: c) Projektni zadatak (Aneks II-a)”.

U skladu sa navedenim, odbacuje se ponuda ponuđača BOSNA INŽINJERING d.o.o. Sarajevo.

Analitički prikaz traženih i dostavljenih dokumenata u ponudama:

	PONUĐAČ	RADIS d.o.o. Istočno Novo Sarajevo	IPSA INSTITUT d.o.o. Sarajevo	GRAĐEVINSKI INSTITUT d.o.o. Banja Luka	URBIS CENTAR d.o.o. Banja Luka	BOSNA INŽINJERING d.o.o. Sarajevo
1.	Obrazac za ponudu	DA	DA	DA	DA	DA

2.	Obrazac za cijenu ponude	DA	DA	DA	DA	DA
3.	Projektni zadatak	DA	DA	DA	DA	NE
4.	Obrazac za povjerljive informacije	DA	DA	DA	DA	DA
5.	Izjava iz člana 45. ZJN	DA	DA	DA	DA	DA
6.	Izjava iz člana 50. ZJN	DA	DA	DA	DA	DA
7.	Izjava iz člana 52. ZJN	DA	DA	DA	DA	DA
8.	Nacrt ugovora	DA	DA	DA	DA	DA
9.	Dokaz o registraciji	DA	DA	DA	DA	DA
10.	Spisak izvršenih ugovora	DA	DA	DA	DA	DA
11.	Potvrda/e o uredno izvršenom ugovoru	DA	DA	DA	DA	DA
12.	Diploma i uvjerenje za inženjera	DA	DA	DA	DA	DA
13.	Uvjerenje/Potvrda o osiguranju Poreska uprava ili PIO/MIO	DA	DA	DA	DA	NE
14.	Uslov za zaključenje ugovora	NE	NE	DA	NE	DA (obična kopija)

Komisija je predložila donošenje odluke o izboru najpovoljnijeg ponuđača: IPSA INSTITUT d.o.o. Sarajevo sa cijenom ponude od 6.490,00 KM bez PDV-a.

U skladu sa navedenim i prijedlogom Komisije odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema Odluke. Žalba se ulaže Ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerk.

Ako u roku za izjavljivanje žalbe nije dostavljen dokaz iz člana 105. stav (1) tačka i) Zakona o javnim nabavkama o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, ugovorni organ odbacit će žalbu kao neurednu bez pozivanja žalioaca na dopunu ili ispravku. Na ovaj zaključak ugovornog organa žalilac nema pravo žalbe URŽ-u i on je konačan. Protiv ovog zaključka žalilac može pokrenuti upravni spor pred Sudom BiH u roku od 30 dana od dana prijema. Tužba za pokretanje upravnog spora ne odgađa izvršenje pobijanog zaključka, ako Sud BiH ne odluči drugačije.

Dokaz iz člana 105. stav (1) tačka i) o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe. Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak dostavlja dokaz o uplati i kopiju bankovnog izvoda računa sa kojeg je izvršeno plaćanje.

Ako je uplata naknade za pokretanje žalbenog postupka izvršena iz inostranstva uplatilac je uz dokaz o uplati dužan dostaviti i SWIFT kao dokaz o uplati.

Ugovorni organ pri razmatranju žalbe vrši provjeru uplatnih elemenata sa dokaza o uplati u skladu sa Naredbom o uplatnim računima za administrativne takse i naknade Ministarstva finansija i trezora BiH ("Službeni glasnik BiH", broj 30/23 i 61/24) i Uputstva o praktičnoj primjeni Zakona o izmjenama i dopunama Zakona o javnim nabavkama ("Službeni glasnik BiH", broj 50/24) od strane Agencije za javne nabavke BiH.

Naknada za pokretanje žalbenog postupka propisana članom 108. Zakona o javnim nabavkama ("Službeni glasnik BiH" br: 39/14, 59/22, 50/24) uplaćuje se na jedan od navedenih računa i prema sljedećoj instrukciji:

Depozitni račun broj: 3380002210018390 (UniCredit Banka d.d. Mostar),

Depozitni račun broj: 5517902220404858 (UniCredit Banka a.d. Banja Luka),

Depozitni račun broj: 5556000060067744 (Nova Banka a.d. Banja Luka) i

Depozitni račun broj: 1341021020000276 (Asa banka d.d. Sarajevo)

Polja koja se odnose na uplate javnih prihoda moraju biti popunjena na sljedeći način:

1. Broj poreskog obveznika treba da sadrži jedinstveni matični broj građanina, ukoliko uplatu vrši fizičko lice. Ukoliko uplatu vrši pravno lice treba da sadrži trinaestocifreni identifikacioni broj pravnog lica;
2. Vrsta uplate za svaku uplatu treba biti '0';
3. Vrsta prihoda: 722 586 (Naknada za pokretanje žalbenog postupka);
4. Opština treba da sadrži šifru opštine prebivališta tj. sjedišta uplatioca;
5. Poreski period treba da odgovara datumu uplate;
6. Budžetska organizacija: 0405999 ;
7. Poziv na broj treba popuniti brojevima '0'.

Dostavljeno:

1. RADIS d.o.o. Istočno Novo Sarajevo,
2. IPSA INSTITUT d.o.o. Sarajevo,
3. GRAĐEVINSKI INSTITUT d.o.o. Banja Luka,
4. URBIS CENTAR d.o.o. Banja Luka,
5. BOSNA INŽINJERING d.o.o. Sarajevo,
6. Evidencija,
7. a/a.-

GRADONAČELNIK

mr.sc. Mirza Ganić dipl.ing.

